



Zawlbuluk sak mek atan Public Contribution khawn a ni dawn.

Chanmari West, August 14: Ni 2.8.2011-a Chanmari West Branch YMA Executive meeting in Zawlbuluk Working Committee te hma la tura atih angin Zawlbuluk sak mek atan Public Contribution khawn tura ruahmannna siam a ni.

Ni 5.8.2011 (Zirtawp) zana Zawlbuluk Working Committee chuan Branch YMA Executive Committee in hma la tura a tih angin Zawlbuluk kan sak mek chu a chhunzawm na tur a tan vengchhung a chhungkaw tinte hnenah Public Contribution khawn nise tih a rel a. Hetiang hian section tinah Target siam a ni.

1. Neuva	-	45,000/-
2. Vanapa	-	85,000/-
3. Khuangchera	-	85,000/-
4. Chawngbawla	-	95,000/-
5. Taitesena	-	1,00,000/-

Public Contribution hi a khawn hunchhung atan thla thum (Aug-Oct. 2011) nise tih a ni a, Section tinten remchan dan angin mahni huamchhungah Category lo siama khawn tura tih a ni. Kum 2005 atang

khan Zawlbuluk hi buaipui tan a ni a, Zawlbuluk tur hi tunah hian bungrua kan neihsa chi hrang hrang viz. Iron Rod etc. hmanga chhunzawm mek a ni a. YMA Zawlbuluk tur atan hian 17,22,550/- senral tawh niin tha hi 500 chuang zet sen a ni tawh bawk a ni.

Public Contribution atan hian chhungtin hnenah Appeal semchhuah vek tura ruahman a ni a, Public Contribution hi chhungtinte lo ngai pawimawh theuh turin Branch YMA chuan a engen bawk a ni.

Kan vengchhungah khawtlang huapa puipunna leh vantlang inkhawmna tur hmun kan neih loh avangin CWBYMA chuan theih ang angin hma a la ve zel a, he kan harsatna hi hre reng chungin Zawlbuluk Working Committee pawhin tha leh zung sengin theihtawpin hma a la mek a ni.

CENTRAL YMA THUCHHUAK

YMA General Conference 2010-in a rel bawhzuiin, Central YMA chuan Mizo hming hawha hnamdang sumdawngte dapchhuah hna a thawk mek a, hetiang anga sumdawnna kalpui mek hi tam tak an awm a ni.

Sum leh pai tlemte vanga mahni hming hawh tir a, hnamdang sumdawn tir chu dan kakh a nih ziate, ram leh hnam hralthna anih ziate hre turin Central YMA chuan mitinte a ngen a, chuvangin hetiang anga sumdawnna kalpui thinte chu August 2011 ral hma ngeia titawp turin a ngenin a hriattir a, Central YMA chuan a hlawhtlin leh tlin loh a vil zui zel dawn a ni.

KUMPUAN CHHUNGCHANG HRIATTIRNA

1. Vawiin Ni 14.8.2011 (Pathianni) Dar 12:00 Noon hian Kumpuan Thupui 'Khawtlang Nun Siamthat' chungchangah Salvation Army Tleirawlte zingah hun hman tur a ni a, Kumpuan Sub-Committee member zawng zawngte leh Branch YMA Executive member zawng zawngte tel vek tura ngen kan ni e.
2. Ni 19.8.2011(Zirtawpni) Dar 1:00p.m hian Chanmari West High Scholl-ah Kumpuan programme hi hman leh tur a ni a, he hun ngaipawimawh theuh turin an in ngen.

LAWMTHU SAWINA

Independence Day Celebration 2011, Football 2nd Division (City Zone) khelh zawl takah vengchhunga tlawmgaih chhuaha sum leh paia tanpuitu te leh he tournament chhung zawng a phur tak leh tha tho taka support tu zawng zawng chungah Chanmari 'W' Football Club chuan lawmthu a sawi takzet a ni.

Branch News

Vengdang atanga kan venga rawn pem lut pem lehkha nei te,khawtlang duh loh zawnga awmte chu,pem lehkha in a chhan dawn chuang lo a ni.

Vengdang atanga kan vengchhunga rawn pem lutte chuan an rawn pemna YMA atangin pem lehkha dik tak an rawn nei tur a ni a,lehkha a ziah chawp chu pawm a ni lo.

Chanmari Sporting Club Football Team ten Independence Day Tournament neih zawl taka Champion Lallukhum an khum chu kan Branch YMA chuan a lawmpui tak zet a ni.

Sub Centre kawt(Turning Point) Neuva Section-ah motor dah thin kan awm leh tawh a,helai hmun hi motor dahna atan hman phal a ni lova,lo dah thinte chu dah tawh lo tura kan ni e.

LUSUN KHAWHAR

Lalmachhuana (Maitawka) Kum-58, Pu Lalzawma nau chu Inrinni Zing Dar 1:45 khan Civil Hospital-ah Zunthlum avangin a boral a, a kalsan tak a chhungte Chanmari West Branch YMA chuan a tuarpui takzet a ni.

RUANG CHHUAK

Ni 12.8.2011 zing dar 3 khan Chawngmingthangi thla 4, Pawlrang khua chu Civil Hospitalah a boral a,a ruang hi Pi Vanlalnghaki 'N' Section In atangin thawn chhuah a ni.

THIL CHHAR

Driving Licence (Jerry Lalrinenga) chhar a ni a, ahnuia mobile Number ah hian ngaihven theih a ni e.

9862579845



TUN KAR CHANGVAWN

Pathian chuan mitin an thiltih ang zel | in a relsak ang; thil tha ti fan fana | ropuina leh chawimawina leh boral | theih lohna zawngtute hnenah chuan | chatuan nunna a pe ang Rom 1:6-7.

Editorial Board**Editor**

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir.Manager

Johny Lalthanpua
9612359161

Jacob Lalrinsanga
9612319779

Production Manager

R.Lalhmachhuana
9436151817

Branch Office Bearer**President**

T.Ngurkhuma
9436190843

Vice President

R.Lalhmachhuana
9436151817

Secretary

RL.Thanhnuna
9436152760

Asst. Secretary

K.Darthantluanga
9436196071

Treasurer

C.Lalzarliana
9436142049

Fin.Secretary

Lalthuamluia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

Editorial : Branch YMA Zawlbulk Working Committee chuan Zawlbulk kan sak mek atan Public Contribution a khawn dawn a, he contribution hi loh theih lohna avang a khawn ngai a ni ti ila kan tisual hauh in a rinawm. Kum engemawzah atang tawh khan Zawlbulk sak hi lo kalpui tawh a ni a. Thuneitu chi hrang hrang a lian a te leh Department hrang hrang te lo dawr kual tawh a ni a. Marawhchu thil hi duh ang diak diak leh tum anga a kal duak duak theih loh avangin tun hun hi kan lo thleng ta a ni. Vengdanga han vahkual chang hian YMA Colour-a chei a Hall tha tak tak han hmun thin hian rual awh a na duh em em a. Engemaw nikhua a khawlai School emaw tih reng pawh hi a inthlahrung awm zozai tawh a ni lawm ni. Chuvang chuan keimahni bil ngei hian he Zawlbulk hi sualchhuah tum theuh ila, kan thawkhawm reng seng kher lo ang, heng kan thawh atang hian theih ang angin chhunzawm tum ila, nakinah a hotu lu lam te pawhin min la bengkhawn ve em em ang tih ring tlat ila a tha awm e. Hetihlai hian thenkhat ngaihdan erawh a ni lo mai thei. Kan ngaihdan leh duhdan anga thil a kal loh pawh hian kan aiawh leh khawtlang thatna leh changkanna duhtute hmalakna hi chu a thuanawp zawnga sawi mai lova a thatho zawnga kan infuih thar a pawimawh awm e. Section nu leh pa te pawhin he kan mamawhna hi hre thar leh theuh ila tunah a zavaein sa zo thei lo mah ila kan tih beuh beuh a kan tan tlan chuan kan la puitlin ve ngei ang tih ring theuh chungin thahnem i ngai lehzual sauh teh ang u.

Article :**TUNLAI KHAWVEL LEH SEX**

Zoram khawvel kan thlir chuan Sex hian min ei chhiatna nasat tawh zia hi kan hai lo theuhin a rinawm. Hmeichhe inzuar (KS) mai ni lovin mipa inzuar pawh sawi tur tam tak an awm tawhin, Thalaite zingah ngat phei chuan Sex hian hmun thuk tak a luah tawh niin a lang. ‘Sex tel lo chuan inngaihzawnna hian awmzia a nei lo’ tia ngai leh ihmangaihna, induhna lan chhuahna chu Sex ani’ ti ta kan tam hle bawk.

Sex hman hrim hrim hi sual a ni hauh lo va. Amaherawhchu, Nupui/Pasal nei tawh pawhin midang laka Sex a hman chuan atan sual a ni tho a ni. Pathianin nupa kara hman atana a siam a ni a. “Tisa chakna hmang thei miah lo mi enge maw zat an awm. Chung chuan mithiamte rawnin sum leh pai tam tak an seng thin.

Mahse, tha chhuak ta erawh tlemte chauh an ni.” tiin Doctor pakhat chuan a sawi. Tisa chakna nei theia min siam avangin Pathian hnenah lawmthu i sawi mawlh mawlh ang u. Sex hi a hmanna tur dik taka hman anih chuan kan Pathian tan hian, Pangpar mawi taka lo par chhuak ang hian a mawiin a hlu em em a ni. Nupa nun ti nuam a, ti nghettu, induhna ti zuault leh hmangaihna nemnghettu pawimawh tak a ni.

Tin, Sex hi kan chakna hrikthlakna tur mai a ni lo tih i hre thar leh ang u, mihringte hi Pathianin a anpuia a siam, thlarau neia siam kan ni a, chu mihring chu kan lo inthlahpung zel theihna turin Pathianin Sex hi hmang turin min duh a ni. Sex hmang hian Pathianin kei mahni ang midang a siam thin, a hmanrua kan nih theihna pawimawh tak a ni. Chuvang chuan, Sex hi a zahawm a, a hlu a, a ropui takzet a ni.

Amaherawhchu, chu Sex chu a hun lova kan hman erawh chuan sual lian tak a tlingin Pathian mithmuah a tenawm takzet a ni. Rilru, taksa leh Thlarau piangsual tirtu lian tak chu a hun lova Sex hman hi a ni tih hria a, Sex zahawmna te, a hlutnate hi min siamt Pathian hrereng chunga kan ngaihtuah chian a tul takzet zet a ni.

Sex hi Siamtu Pathian thilthawnpek a ni. Nupa chu dam dun chhung zawnga awm dun tura Pathian ruat an nih angin, inngai leh inthlahel tak leh ihmangaih taka an dam dun chhung an hman theihna atan sex hi Pathianin a pe a, chutiang taka awm dun thin tur chu an ni (cf. Deut. 24: 5; Thuf. 5: 15-20; 1 Kor. 7: 3-4).

Chuti taka thilpek lawmawm leh ropui chu a nih avangin Bible pawh hian a zep tit tet lem lo, inlawm vel dan tur chenin a sawi (Thuf. 5: 19; Htk. 2: 6; 8:3). Nupa takte chauhvin an chan dun tur a nih avangin Pathianin sex hi a hum tlat. “I uire tur a ni lo,” tia uire lo tura thupek khauh tak ngei pawh hi nupa nun vawn himna tura Pathian thupek a ni. “Pathian duh dan rin kual chhungah chauh sex i hmang tur a ni,” tihna tluk a ni. Sex hi thilpek a nih ang taka “Siamtu duan” dan anga hman tur a ni.

CYMA News a phek hma in min daih lo.

1. Ni 5th August, 2011 chawhnu dar 3:00 khan Central YMA Committee Room-ah 11th CEC Meeting neih a ni. He meeting hi Pu Lal Chungnunga, President-in a kaihruai a, member 45 an tel. He meeting-ah hian Pu Lalbiakzuala, General Secretary chuan CEC hmasa leh tun inkara hmalakna report a pe. ILP leh Electoral Roll fimkhur taka kalpui a ni theih nana hma la tura District tin DC leh SP te ngenna siam a nih thute, Assembly House-a kan ram roreltu ten Foreigner te thlavang hauhzawnga thu an sawi avanga Central YMA-in thuchhuah kan siam chu

CEC Meeting hian a pawmpui. 10th CM Running Trophy 2011 neih leh tum a ni a, a hun chungchang chu Sorkar thneitute nen la ruahman tur a ni.

2. Ni 10.8.2011 dar 1:00 PM khan Central YMA Hall-ah Hnamdang Mizo hming hawha Dan lova sumdawngte leh anmahni Sponsor tute kohkhawm an ni. Heng kohkhawmte hi ni 6.8.2011 (Inrinni)-a Central YMA hruiatu ten an dawra kala an endikte an ni a, mi 125 an kal khawm a ni.

KHUANGCHERA

Ni 9.8.2011(Thawhleh) zan khan Section Committee neih a ni a, thu pawimawh tak tak rel a ni.

YMA Sport 2011 lo awm turah Items hrang hrang ah tel ve tum a ni a, member sport a tel tum zawng zawngte Ni 16.8.2011(Thawhleh) atanga practice tan turin an in hriattir. Practice thalo tan hmun a awm lo ang.

Section Football Jersey chu a chhiat tawh deuh avang leh a kim loh nual avangin Jersey Donate duh mi inphal tan donate theih reng a ni e.

Ni 15.8.2011 zingkar hian Faina Hnatlang neih tur a ni a, memberte hun lo insiam theuh turin an in ngen.

Pu TC.Lalhmangaiha CH Section in hmunphiah thahnem tak a pe chu a chungah an lawm takzet.

Section bungrua hawh tu ten uluk taka enkawl leh hawh thin turin an in ngen a. Bungrua kan hawhte felfai taka a dahna hmun a dah leh thin turin an in hriattir.

Ni 15.8.2011 nileng hian hruaitute bungbraw tifela nileng hnatlang neih tum a ni a, hnatlang tura hunawl lo insiam theuh turin an in ngen.

TAITESENA

Ni 11.8.2011(Ninga) zan khan committee neih a ni a, thu pawimawh tak tak rel a ni.

Section chhungah Zawlruk sakna tur atan Public Contribution khawn a ni dawn a, chhungtinte tlwmngai tak leh kan mamawhna hre reng chunga thatho taka lo pe turin an in ngen.

Branch Committee in rem min tihsak angin Section bungrua heng Steel chawhtawl, Microphone (FM), Sound Box leh Fianpui lei a ni.

Pu TC.Lalhmangaiha, Chawngbawla Section chuan Hmunphiah engemawzat Section te min rawn pe a, a chungah Section Committee chuan lawmthu a sawi takzet a ni.

Ni 12.8.2011(Zirtawp) zan khan hruaituten hmunphiah hi siam hnatlang neih a ni a, he hnatlangah hian hruaitu 27 zingah mipa 9 leh minu 4 an thawkchhuak a ni.

Branch YMA-in Sport 2011 a buatsaih turah member tel tum te thahnemngai taka lo inbuatsaih a lo in la fit turin an in ngen a, karleh nilai (17.8.11) zan Dar 8 hian Indoor Stadium-ah inkohkhawm tum a ni.

NEUVA

Thawhleh zan khan Section Committee pawimawh tak neih a ni.

Pu Lalnunsanga'n FM Microphone section tan a pe cju an lawm hle.

Pu T.C Lalhmangaiha Chawngbawla Section – in Section sumtuakna turin hmunphiah tam tham tak mai a rawn pe a. a chungah lawmthu an sawi.

Chawngmingthangi thla 4 Pawlrang khua chu Khawsik avangin Zirtawp zing dar 3:00 khan Civil Hospital – ah a borala, Pi Vanlalnghaki inah chawlhpui kuang siam sak ani a, Pawlrangah phurh chhawh a ni.

Lalbiakfeli D/o Pu Vanlalliana Pneumonia natna avanga Aizawl Hospital – a awm chu damtakin a lo chhuah leh thuai an duh.

Bial – IV – na YMA Aw sem turin Lalremruata S/o T.C Lalchawimawia chu ruat that a ni.

Gas sem leh huna Zawlruk Point – a sem dan tur No. 81 – 126, 1 – 4.

YMA Zawlruk sak chhunzawmna turin chhunitnah thawhlm an rawn khawn dawn a, chhungtinte tlwmngai a lo pe theuh turin an in ngen.

VANAPA

Thawhlehni zan khan Treasurer Pu T. Sangkhuma inah Committee an nei a, member 21 an kal a OB in charge Pu RL Thanhnuna'n a telpui.

Nilaini zingkar khan bawlhhlawh tin Section chhung hmun hrang hrang ah dah ani a, bawlhhlawh tin hi Pu C.Thanchungnunga'n Section tan a pek ani. A khaina tur thirzai tha chi bakah hmunphiah tam tawk tak Pu Lalhmangaiha, CH Section in a pe bawka an chungah Section a lawm takzet ani.

Vengchhungin Hall kan neih ve tur sakmek YMA Zawlruk saknan Branch YMA hmingin Section in vehbur an rawn khawn mek a, Chhungtin hnenah ngenna siam niin ` 1000 thawh tur a ngen Chhungkaw 40 vel leh ` 500 thawh tur a ngen Chhungkaw leh ` 200 leh ` 100 te in chhungkaw tin ngenna siam ani a lo ngaipawimawh theuh turin an in ngen.

Branch Sport lo awm tur ah Champion Section nih ngei an tum a infiammi te practice tan turin an inchah Football coach atan Tv.Lalrinnghta, Ni.12.8.2011 (Zirtawpni) khan Champion hi Players te pualin lawmna hun leh Certificate hlanna hun hman a ni.

(V-Section Report chhunzawmna)

Hmeichhe Volleyball in charge Tv. Zohminglianaleh Basketball buaipui turin Pu Lallianzauva leh Tv Hmingthansanga te ruat an ni, Football khel tur te hi naktuk zing atangin High School Field ah kal tan tur ani a, Football khelh tum te chu kan Practice hman rihlo anih pawhin Mangheta (9862358337) hnenah ah in report ngei tur ani e.

Facebook CWBYMA VANAPA SECTION ah Member te lut a join theuh turin an in sawm a Section thlalak tha tak tak te a en theih a, Section kaihnawih chanchin chi hrang hrang te pawh upload turin member te sawm vek kan ni.

Tv Hnehpua Tochhawng damlo pawh a dam leh tan tawh, Pu Jimmy Vanlahrua a dam leh thuai an duhsak.

Section Plastic fianpui a bo daih mai a alo kawl kan awm chuan pek let thuai nise, Tv Mangheta Asst. Secy. in Plastic fianpui 2 a rawn pe a an lawm takzet a ni.

ZCC NEWS

Independence day Celebration 2011, ADFA in 2nd Division tana a buatsaih a Chanmari West Football Club an Champion chu an lawmpui hle.

13th August 2011 zan khan Assam Rifles, Khatla-ah programme neih a ni.

Lam zir nana Indoor Stadium hmantir thin tu Indoor Management Committee chungah lawmthu an sawi takzet a ni.

CWSC NEWS

Kan Veng Football Club ten Independence Day Celebration 2011 Football Tournament 2nd Division a an champion chu CWSC chuan a lawmpui takzet a ni.

Nimin Ni 13.8.2011(Inrinni) atang khan vengchhung a a tui mi te tan Badminton tournament buatsaih a ni a, naktuk ni 15 hian chhunzawm leh tum a ni.

Football Sub-Committee :-

I-Day Celebration Football 2nd Division (City Zone) a an champion chu an lawm takzet a, vengchhung leh vengpawn atanga kan veng tana khel zawng zawngte chungah Football Club chuan lawmthu a sawi tak meuh meuh a ni.

Ni.12.8.2011 (Zirtawpni) khan Champion hi Players te pualin lawmna hun leh Certificate hlanna hun hman a ni.

Kan Veng Tlangval Footballer Racy K.Lalremmawia Biangbiakna

Tv.Racy K.Lalremmawia hi tunlai hian Aizawl lamah Independence Day Invitation Football (Lajong Club, Shillong tan) khelin a rawn haw mek a, Racy-a hi India ram Football inelna sang ber I-League khelpha niin Shillong Club Lajong F/C ah a khel mek a ni. Amah kawmna hun tha tak kan nei thei leh kan zawhna te tha taka min chhan avangin achungah kan lawm tak meuh meuh a ni.

Q : Engtikah nge Lajong FC i zawk? Shillong Club tha hi engvanga zawk thei mai nge i nih?

A : 2008 December ah Lajong FC hi MFA kaltlangin ka zawk.

Q : He Club i zawk hnuin engtin nge training in neih?

A : Zing leh tlaiah training kan nei thin.

Q : Lajong i zawk hnua football pawn lama i khawsak dan, i mimal nuna club atangin inkhuahkhirhna a awm em? I chenna, ei leh in leh thildanga hun i hman dan. (Professional footballer-te football pwna an nun dan hi an hre chak thin)

A : Club ka zawk hnu hian ka nun a danglam khawp mai. Mimal nun ah pawh inkhuahkhirhna a tha khawp mai. Ei leh in lama pawh a tha khawp mai.

Q : Lajong i luh hnuin 2nd Div. lamah i khel tam fu a, 2009-2010 season-a I-League inkhelh tum khan i inlan tam vak lo va, team-a i dinhmun luah mek ni a i hriat min hrilh thei em? Hmasawn zel tumna i nei em? Eng nge thlen i tum? (Entiran, India National team a khelh ngei tum emaw, Lajong rirawl nih ngei ka tum emaw)

A : Coach a zir ve te hi a nia, hmasawn zel ka la tum a, India National Team ah chance ka nei thei chuan khelh ngei ka tum.

Q : Lajong i zawk hnuin inchhirna emaw, i beisei anga i hun hman phak loh avanga hreawm tih i nei em?

A : He club ka zawk hnu hian inchhirna emaw hreawm tihna emaw ka la nei lo.

Q : Lajong-a i khelh hnua hamthatna i hmuhte min hrilh thei em? (I hlawh zat tarlan a remlo a nih pawhin, chhungkaw tan hnemhnanpui thama nih leh nih loh tal min hrilh thei chuan)

A : Chhungkaw tan chuan thei ang tawkin ka tang vein ka tanpui ve thin a, ei leh in, chenna chu club in min tumsak vek.

Q : Lajong club hi enge i hmuh dan? India champion ni turin i beisei em? Club haus a tak nge tlachhe mai thei dinhmunah a ding?

A : He club hi kan in lunguala kan thlensan pawh ka beisei. Tunah chuan he club hi a pangngai tawkin ka hria.

Q : Lajong Senior team-ah Mizo engzat nge tunah hian awm?

A : Lajong Senior team-ah hian Mizo 10 kan awm.

Q : Lajong Club ah hian eng chen nge cham i tum? Club lian zawka luh theihna hun tha neiin i in hria em? Nge khelhna i hmuhna zawk tur club tenau zawk zawn i tum?

A : Pathian in rem a tih chuan Club lian zawk a luh chu ka tum ber.

Q : Football hi kum engzat i nih atangin nge tih tak taka i khelh tan? I naupan laiin eng nge football-ah thlen tum i neih? I tum aia sang i thleng nge i tum ila thleng pha lo?

A : Kum 15 ka nih atangin khelh tak takin ka khel tan. India National Team khelh phak ka tum a, ka tum ram ka la thleng lo.

Q : Professional footballer ni tura i naupan lai atanga kawng i zawk chhohvah tute nge nangmah tanpuitu mi pawimawh ni a i hriat? Tun ang dihhmun i thlen theihna chhan nia i hriat leh i chhungten an tuipui dan che emaw an laka harsatna i tawh dan emaw?

A : Ahmasa berah chuan Pathian vanga he dinhmun hi thleng thei ka ni a, ka nu leh pa, ka chhungte'n min support tha em em bawk a ni.

Q : Lajong team i zawk hmain khawi club ah te nge i khelh?

A : Lajong team ka zawk hma hian Chanmari West Sporting Club, SSA, Chanmari West Football Club leh Zotlang Football Club ah te ka lo khel ve tawh.

Q : Footballer ni tura pawimawh i tih? Nangma nun atangin. (eg. thuawihna, tumruhna etc) Hma i sawn theih nana i tana pawimawh ni a i hriat.

A : Footballer tha ni tur chuan discipline tha nei a pawimawh a, taihmakna leh insumtheihna a pawimawh hle.

Q : Kan veng thalai tam zawk professional huanga an luh theih nana pawimawh ni a i hriat? Kawng kawhhmuh theih dan i hriat tel phei chuan.

A : Ruihtheih thil laka insum theih a pawimawh a, a bak chu kawng a inhawng mai thin.

Q : Vanduaithlak takin thawtanni a Luangmu FC nen in inkhelh tum khan i ke i tina a, eng chen nge a nghawng dawn? Season thar I-League khelh tam i inbeisei em? I dinhmun tur ni a i ngaih?

A : Tunah rih chuan thla 1 chawlh min pe a, a bak chu Pathian thu thu ni rawh se.

Q : Kan vengin an chawimawi dan che emaw, an lo dawnsawn dan che ah emaw i beisei dan a ni nge, i beisei ang a pha lo?

A : Kan vengin min dawnsawn danah hian ka lawm khawp mai.

(YMA AW Editorial Board ten kan chhuang chein i tum ram i thlen ngei theih nan i kal zelna turah duhsakna sang ber kan hlan a che)

**HETAH HIAN SMS LA
>>9774170328<<**

Naupang Tuikhur ti tawp tu, a bikin Vanapa tuikhur bul a mi naupang harh lutuk te hi nu leh pa te'n i zilh teh ang u.

961258_68

Kan veng leh Vaivakawn in ri na, kan vengchhung a zu leh ruihhlo dang zuar leh ti an tam ta lutuk hi engtia hmalak tur nge ni ang le. Hmalatu tur te khawngé kan awm tak aw? Vengdangan an rawn man leh mai thin hi a va zahthlak ve le.

977446_64

VC hunlai a dan dinglai ang khan kan veng Bazar ah hian ran talh khap a la ni lo em ni? Khawlaia vawk kawchhung hai te, ar talh leh hmul pawh hnawk hmuh reng mai thin hi a ninawm ta hle mai, hmundanga tih chi a va nih hmel ve.

857579_21

Chhiatnia vengdanga kal hian kan veng nula / tlangval / nu leh pate that zia a lo langchhuak thin. Chanmari West lo mawi zel rawh se.

961213_69

**(SMS kan dawn te hi Ed. Bd
ngaihdan a ni vek kher lo)**

AIRCEL FREE BOOKING

TUN THLA CHHUNG CHAUH
A NI A. MAMAWH TAN
BOOKING TIH VAT CHI
MAWLE.

ID Xerox-1,
Passport Size Photo-4)
(FIAH THA TAK A NGAI)

**Pu Tlana Dawr, Kawipui
Contact:-9856300500**

FREE ADMISSION

**SPOKEN ENGLISH &
HINDI
PERSONALITY
DEVELOPMENT**

Vai ram, Sap ram kal tum,
hna zawng mek, Student,
Professional, Sumdawng leh a
duh apiang tan. Basic Internet
Class Free..

COMPUTER SOFTWARE
Course hrang hrang
Free Internet

TAILORING
Certificate & Diploma Course

**M.F Institute Dawrpui
Near Hauva & Sons**

Contact :-
9206168920 / 9774378422
9615232309 / 8575180306